



Broj: 05-01-40-1832/16.

Mostar, 30. 06. 2016. godine

Ministarstvo obrazovanja, nauke, kulture i sporta HNK, na osnovu člana 20. Pravilnika o polaganju stručnog ispita i pripravničkom stažu odgojitelja i stručnih saradnika u predškolskim ustanovama („Službene novine HNK“, broj: 2/04 i 5/14) i člana 31. Pravilnika o načinu i uslovima polaganja stručnog ispita nastavnika, profesora, odgojitelja i stručnih saradnika („Službene novine HNK“, broj: 5/11., 8/12., 10/23. i 5/14), donosi

O D L U K U **o troškovima polaganja stručnog ispita**

I. **(Troškovi prvog polaganja stručnog ispita)**

Troškove prvog polaganja stručnog ispita u iznosu od 400,00 KM (slovima: *četiri stotine konvertibilnih maraka*) za kandidate koji stažiranje obavljaju u statusu pripravnika u ustanovama predškolskog odgoja podmiruje ustanova ili osnivač.

Troškovi prvog polaganja stručnog ispita kandidata koji stažiranje obavljaju u statusu pripravnika u osnovnim i srednjim školama i učeničkim domovima se pokrivaju umanjnjem plaće pripravnika tokom obavljanja pripravničkog staža od 20%.

Troškove prvog polaganja stručnog ispita, za kandidate koji su stažiranje počeli obavljati u školskoj 2016/2017. godine, u statusu volontera u predškolskim ustanovama, osnovnim i srednjim školama i đačkim domovima, u iznosu od 400,00 KM (slovima: *četiri stotine konvertibilnih maraka*) snose kandidati .

Iznos troškova koje je obavezan platiti pripravnik koji je dio pripravničkog staža ostvario u statusu volontera utvrđuju se srazmjerno vremenu provedenom u statusu volontera.

II. **(Troškovi ponovnog polaganja stručnog ispita i popravnog ispita)**

Kandidati koji ponovo polažu stručni ispit, bez obzira jesu li u statusu pripravnika ili volontera, obavezni su uplatiti na ime troškova polaganja iznos od 300,00 KM (slovima: *tri stotine konvertibilnih maraka*).

Kandidati koji polažu popravni ispit, bez obzira jesu li u statusu pripravnika ili volontera, obavezni su uplatiti na ime troškova polaganja iznos od 150,00 KM (slovima: *stotinu i pedest konvertibilnih maraka*).

Troškove iz stava 1. i 2. ove tačke kandidati snose u cijelosti sami, bez obzira na početak obavljanja stažiranja.

III. **(Način uplate)**

Troškovi utvrđeni ovom Odlukom se uplaćuju na način što se iznos istih uplaćuje na depozitni račun budžeta HNK na sljedeći način:

Primatelj: *Budžet HNK*

Broj TR: 3380002200005953

Svrha doznake: *Uplata troškova polaganja stručnog ispita*

Vrsta prihoda: 722611.

Proračunska organizacija: 1701001.

IV.
(Prestanak važenja ranije odluke)

Stupanjem na snagu ove Odluke stavlja se izvan snage Odluka o troškovima polaganja stručnog ispita Ur.broj: 05-01-40-2261/12 od 27. 8. 2012. godine.

V.
(Stupanje na snagu)

Ova Odluka stupa na snagu danom donošenja, a objavit će se u „Službenim novinama Hercegovačko-neretvanskog kantona“.

MINISTAR

dr. sc. Rašid Hadžović